

ALCUERDU DEL DIRECTOR XENERAL DE RADIOTELEVISIÓN DEL PRINCIPÁU D'ASTURIES SA UNIPERSONAL POL QUE S'APRUEBEN LES BASES DEL CONCURSU DE PODCAST DE RPA 2026

BASES

Estes bases tienen como finalidá regular el procedimientu pa la selección de les obres ganadores del concursu de podcast de ficción, non ficción y infantil/xuvenil en réxime de concurrencia competitiva, d'aluerdu colos principios d'oxetividá, tresparencia, igualdá y publicidá.

1.- PARTICIPANTES

- Pueden participar les persones físiques que seyan autores d'una obra o trabayu que se correspuenda con estes modalidaes establecíes:

1. **Podcast de ficción “Xuan Bello”**
2. **Podcast de non ficción “Damián Barreiro”**
3. **Sección infantil/xuvenil (menores de 18 años)**

- Los participantes menores d'edá han presentar l'autorización del pá, ma o tutor llegal según el modelu que s'axunta como **Anexu I**

2.- PRESENTACIÓN

- Cada participante namás pue presentar una propuesta por categoría
- Les propuestas pueden presentase a títulu individual o bien conxuntamente cuando se trate d'un podcast coproducíu. Nos supuestos de coproducción ha presentase l'autorización de tolos coproductores pa participar nel concursu y nomase un representante según el modelu que s'axunta como **Anexu II**
- Los trabayos van poder presentase en castellanu, en asturianu o en gallego-asturianu o eonaviegu.
- Les temátiques son llibres, pero han tar rellacionaes con Asturias.
- Les obres han ser orixinales, inédites y nun pueden suponer en too o en parte una copia, plaxu, recreación o variación d'otres yá obres publicaes o d'otres persones.

El conteníu ha de ser respetuosu colos principios de la lleislación vixente y colos principios y criterios de programación de los medios del Ente Públicu de Comunicación del Principáu d'Asturies, que se pueden examinar en <https://rtpa.es>, nel portal de tresparencia/ información corporativa/normativa.

- Tanto'l podcast de ficción como'l podcast de non ficción han tener una duración d'ente 30 y 40 minutos. La secció infantil/xuvenil nun pue pasar de los 30 minutos. La música y efectos sonoros que s'usen han tener llicencia *Creative Commons* o cualquier otra llicencia de naturaleza asemeyada. Amás, el productu final que se presente ha poder divulgase baxo esi tipu de llicencies.

- Los participantes han de presentar esta documentación pa toles categoríes:

- Formulariu d'inscripción según modelu que s'axunta como **Anexu III**

- Autorización de los padres o tutores llegalos cuando'l participante seya menor d'edá según el modelu que s'axunta como **Anexu I**

- Copia del DNI del participante que se presente al concursu. Nel casu de participantes menores d'edá ha presentase tamién el DNI del pá, ma o tutor llegal

- Nel casu de coproducciones, l'autorización de tolos coproductores pa participar nel concursu y el nomamientu d'un representante según el modelu que s'axunta como **Anexu II**

- El proyectu completu, que tien qu'incluyir como mínimu: (i) l'archivu d'audio en formatu MP3 o WAV o asemeyáu, (ii) la sipnosis, (iii) el guión.

3.- FORMA Y PLAZU DE PRESENTACIÓN

- Les propuestes van unviase a esti enllaz de rexistru <https://servicios.rtpa.es/concurso-podcast-rpa-2026/registrar-propuesta-podcast> enantes del 30 de xunu del 2026

4.- XURÁU

- El xuráu va nomalu RTPA y va tar integráu por estos miembros:

- Una presidencia que va ostentar don Carlos Fueyo García, coordinador de RPA
 - Una secretaría con voz y votu que va ostentar doña Patricia Martínez Fernández, redactora de RPA y especialista en podcast
 - VOCALES:
 - Don Antonio Menéndez García, responsable de producción y emisiones de RPA
 - Doña Paula Fernández Carrelo, ganadora del II Concursu de Podcast RPA na categoría de non ficción

- Don Jose Antonio Braña Pérez, director de Medios dixitales RTPA
- Les deliberaciones del xuráu van ser secretes y nun va establecese comunicación nenguna con nengún participante.

5.- CRITERIOS DEL XURÁU

- El xuráu va valorar la calidá del guión y la historia y sobre manera la orixinalidá, el valor artísticu y la vinculación de la obra cola realidá social y cultural del nostru territoriu, amás de que l'equipu humanu tea compuestu por persones naturales, residentes o vinculaes profesionalmente col Principáu d'Asturies.

6.- PREMIOS

1.- Podcast de ficción “Xuan Bello”

El premiu pal ganador del podcast de ficción va ser de **1.000 euros**.

Va poder establecese 1 accésit de 500 euros.

2.- Podcast de non ficción “Damián Barreiro”

El premiu pal ganador de podcast de non ficción va ser de **1.000 euros**.

Va poder establecese 1 accésit de 500 euros.

3.- Podcast infantil/xuvenil

El premiu pal ganador del podcast d'infantil/xuvenil va ser de **750 euros**.

Va poder establecese 1 accésit de 250 euros.

- El Xuráu va poder proponer otre obres o trabayos merecedores de mención especial.
- El premiu va poder declarase desierto en cualquiera de les sos categorías.

7.- CESIÓN DE DERECHOS

- Los autores de los podcast premiaos (premios y accésit) ceden a RTPA los derechos d'esplotación de les obres, en concreto'l derechu de reproducción, comunicación pública y puesta a disposición del públicu de la obra, al traviés de toles modalidaes d'emisión o retresmisión al traviés de radiodifrencia, cable, ondas hertzianes,

internet y pa la so recepción al traviés de tou tipu de dispositivos. La cesión de los derechos de puesta a disposición del públicu (disposición interactiva) abarca toles funcionalidaes existentes anguaño o que puedan existir nel futuru. El derechu de tresformación céde-se namás cola mira de difusión de fragmentos y inclusión de fórmules de promoción.

- Los derechos adquiérense por RTPA pal ámbitu territorial del Principáu d'Asturies na comunicación pública de la obra al traviés de les canales de RPA. L'ámbitu d'autorización va ser universal nos derechos adquiríos por RTPA de puesta a disposición del públicu (disposición interactiva) al traviés d'internet.
- RTPA adquier los derechos d'esplotación descritos con calter esclusivu y hasta que pase a dominiu públicu.
- RTPA va poder facer la esplotación polos sos propios medios y va poder llicenciar a terceros los derechos concedíos cuando seya menester facer la esplotación al traviés de los medios y modalidaes autorizaes nesti apartáu.

8.- DATOS PERSONALES

- Tocante a la protección de les persones físiques en rellación col tratamientu de datos personales y a la circulación llibre d'estos datos, la organización, en cumplimientu de lo marcao na Llei Orgánica 3/2018, de 5 d'avientu, de Protección de Datos Personales y garantía de los derechos dixitales (BOE de 6 d'avientu del 2018), amás de nel Reglamentu (UE) 2016/679 del Parllamentu Européu y del Conseyu, de 27 d'abril del 2016, informa de:

Responsables: RTPA ye'l responsable del tratamientu de los datos que se faciliten por cuenta de la rellación que s'establez por participar nel concursu.

Finalidá: La finalidá va ser namás realizar les xestiones precises rellacionaes cola participación nel concursu, el disfrute nel so casu del premiu que pueda corresponde-y y pa exercer los derechos d'esplotación de la obra premiada nos términos y condiciones establecíos nestes bases.

Cesión: Nun se van ceder datos a terceros nin se van facer tresferencies d'ellos a terceros países ensin el consentimientu espresu de los titulares de los datos, sacante que por interés llexítimu o obligación llegal haya que comunicalos a organismos públicos.

Derechos: Tienen derechu a solicitar del responsable del tratamientu l'accesu a los sos datos personales, la so rectificación o supresión o la limitación del so tratamientu, o a oponese al usu d'estos, amás d'a la portabilidá de los datos y a presentar reclamaciones énte l'Axencia Española de Protección de datos.

- El participante consiente espresamente, cola firma del formulariu de presentación al concursu, el tratamientu de los datos pa la finalidá indicada.

9.- OBLIGACIONES FISCALES

- Premios suxetos a la lleislación fiscal aplicable.

10.-LLEI Y XURISDICCION

- Estes bases ríxense pola lleislación española. Pa toles duldes que puedan derivase de la interpretación d'esti documentu, les partes, con arrenunciu a cualquier otru fueru, a los xulgaos y tribunales del Principáu d'Asturies.

11.-ACEPTACIÓN DE LES BASES

La participación nesti concursu implica l'aceptación de toos y caún de los términos y condiciones incluyíos nestes bases. Van tar a disposición de cualquier interesáu na páxina Web <https://servicios.rtpa.es/concurso-podcast-rpa-2026>

Nel casu d'existir duldes o discrepancies na interpretación d'estes bases, va prevalecer el criteriu de RTPA.

EL DIRECTOR XENERAL RTPA

Francisco González Orejas

ANEXU I: MODELU D'AUTORIZACIÓN PA LA PARTICIPACIÓN DE MENORES D'EDÁ NEL CONCURSU DE PODCAST DE RPA 2026.

Nome y apellíos del pá, ma, tutor o responsable llegal del menor

D./Dñacon DNI n.^u....., teléfonu n.^u.....y seños

Nome y apellíos del menor

..... con DNI n.^u..... Fecha de nacimientu.....

AUTORICEN al so fíu/a o representáu a participar nel concursu de Podcast de RPA 2026, del que declaren conocer y aceptar dafechu los términos y condiciones, amás de les condiciones de la participación del menor y les condiciones de cesión de los derechos d'esplotación de la obra, nel casu de resultar premiada, condiciones que declaren conocer y aceptar dafechu.

Estos términos y condiciones atópanse disponibles pa consultar al traviés de les bases, na páxina web <https://rtpa.es>

Cola participación nel concursu declaren consentir espresamente'l tratamientu de los datos personales recoyíos pente medies d'esti documentu, amás de los del menor al que representa/en pa que pueda participar nel concursu, disfrutar si ye'l casu de los premios que pudieren corresponde-y, y pa que RTPA pueda exercer los derechos d'esplotación, nel casu de que la obra presentada resulte premiada, nos términos y condiciones establecíos nes bases del concursu.

Fmao.....

Fmao.....

ANEXU II: MODELU DE NOMAMIENTU DE REPRESENTANTE PA PARTICIPAR NEL CONCURSU

Nome y apellíos de los coproductores (han figurar tolos coproductores de la obra)

D./Dñacon DNI n.º....., teléfonu
n.º.....y seños

D./Dñacon DNI n.º....., teléfonu
n.º.....y seños

D./Dñacon DNI n.º....., teléfonu
n.º.....y seños

D./Dñacon DNI n.º....., teléfonu
n.º.....y seños

(...)

MANIFIESTEN:

1.- Que son coproductores del podcast con títulu “.....”

2.- Que tán interesaos en participar nel concursu de podcast convocáu por RTPA pal 2026.

3.- Que conocen y acepten dafechu les bases del concursu que s’alcuentren disponibles na páxina web <https://rtpa.es>

4.- Que nomen a don, con DNI n.....pa presentar nel so nome'l podcast con títulu “.....” al concursu de podcast convocáu por RTPA pal 2026 y facer los trámites relacionaos cola participación nel concursu mentáu.

En, a del 2026

Fmao.....

Fmao.....

Fmao.....

Fmao.....



ANEXU III
FORMULARIU D'INSCRIPCIÓN IV CONCURSU DE PODCAST RPA

TÍTULO DEL PROYECTU:

DURACIÓN:

--	--

DATOS DE LA PERSONA SOLICITANTE (persona física o xurídica)

NOME O RAZÓN SOCIAL:	NIF:
----------------------	------

DATOS REPRESENTANTE

Nome	Primer Apellíu	Segundu Apellíu
NIF:	En calidá de:	

SEÑES PA UNVIAR NOTIFICACIONES

Señes:	
Conceyu, Códigu Postal y Provincia:	
N.º de teléfonu fixu:	N.º teléfonu móvil:
Corréu electrónicu:	
<u>Enllaz de descarga:</u>	

DATOS DEL PODCAST

MODALIDÁ PA LA QUE SE SOLICITA (marcar la modalidá que proceda)

Podcast de ficción	
Podcast de non ficción	
Podcast infantil/xuvenil (menores d'edá)	

IDIOMA

CASTELLANU	
ASTURIANU	
GALLEGO-ASTURIANU / EONAVIEGU	



INFORMACIÓN BÁSICA sobre PROTECCIÓN DE DATOS DE CALTER PERSONAL

En cumplimientu de lo dispuesto na Llei Orgánica 3/2018, de 5 d'avientu, de Protección de Datos Personales y garantía de los derechos dixitales y del Reglamentu (UE) 2016/679, de 27 d'abril, infórmase sobre'l tratamientu de los datos de calter personal apurrios polos interesaos tanto na solicitú como na otra documentación esixío na convocatoria o derivao d'ello:

Responsable	Radiotelevisión del Principáu d'Asturies SA Unipersonal. Camín de les Clarises, 263 33203 Xixón (Asturies)
Finalidá	Xestión y tramitación del procedimientu oxetu de la convocatoria y, al respective de los proyectos que llogren financiamientu, de la rellación contractual correspondiente.
Llexitimación	Consentimientu del interesáu, interés públicu y interés llexítimu.
Destinatarios	Nun se ceden datos a terceros, sacante obligación llegal. Van comunicase a Radiotelevisión del Principáu d'Asturies SA Unipersonal pa llevar a cabu los trámites necesarios nel desenvolvimientu de la convocatoria y, si ye'l casu, execución de los contratos.
Derechos	Los solicitantes tienen derechu a acceder, rectificar, oponese, suprimir los datos, limitar el so tratamientu o portabilidá bien per escrito a les señes del responsable del tratamientu o per corréu electrónicu a departamentojuridico@rtpa.es . Amás, pueden presentar reclamación énte l'Axencia Española de Protección de Datos en www.aepd.es
Información adicional	Pue consultase la información adicional detallada sobre la Política de Privacidá de RTPA na páxina web RTPA (http://www.rtpa.es).

Cola firma d'esti documentu da'l so consentimientu pal tratamientu de los datos de calter personal según la información que se recueye

En/N' _____ a ____ de _____ del 2026

Fmao. _____

Firma de la persona solicitante o representante llegal